



SATANÆ STRATA-

GEMATVM

LIBER IV.



Vòd cùm deprauetur doctrina, mutatio tamen fieri videatur nulla, plures sunt causæ: quarum alias ipsa in doctrina intelligas: alias in mutationis quæ fit modo. Nonnullæ eos respiciunt qui docent: nõnullæ eos qui docentur.

Quare doctrina corruptionem nulla sequatur mutatio.

In doctrina hæc mihi videntur esse: primum, quòd sit quasi plurimorum dissimiliumq; granorum aceruus quidam, vt mutatio per partes, easq; minutissimas fieri possit. Quemadmodum enim, si ex magno aceruo quopiam aliquot quotidie grana auferas, alijs eorum loco restitutis, manere aceruus idem videatur, cùm tamẽ paulatim mutetur, incipiatque esse alius: ita, cùm religionis doctrina ex plurimis constet dissimillimis sententijs, quanquã consentaneis, eodemq; tendentibus: modò hac, modo illa deprauata, cõmutataq; ipsum doctrinæ (vt ita dicam) corpus, eandem illud quidem retinere videatur speciem: sed tamen omnino idem non manserit. partim enim factum fuerit aliud.